

Huwag Mainggit!

Tagubilin: Gawin ito sa tahimik na lugar. Habang binabasa mo ang mga teksto, isipin mong naroroon ka. Ilarawan sa iyong isip ang eksena. Isipin mong naririnig mo sila. Damhin mo ang nadarama ng pangunahing mga tauhan. Gawing buháy na buháy sa iyong isipan ang kuwento.

Pangunahing mga tauhan: Miriam, Aaron, Moises

Sumaryo: Dahil sa inggit, nagreklamo sina Miriam at Aaron tungkol sa kanilang kapatid na si Moises.

1 PAG-ISIPAN ANG EKSENA.—BASAHIN ANG BILANG 12:1-15.

Paano mo ilalarawan ang tatlong tauhan sa ulat na ito?

Miriam: _____

Aaron: _____

Moises: _____

Ano kaya ang tono ng boses nina Miriam at Aaron habang sinasabi nila ang nakaulat sa talata 2?

Isipin ang hitsura ng “haliging ulap” at ang tono ng boses ni Jehova habang sinasaway niya sina Miriam at Aaron. Ilarawan ang iyong “nakikita” at “naririnig.” (*Basahing muli ang Bilang 12:5-9.*)

Anong emosyon ang nahahalata mo sa boses nina Aaron at Moises habang nakikiusap sila para kay Miriam sa talatang 11-13?

2 PAG-ARALANG MABUTI.

Sino kina Miriam, Aaron, at Moises ang pinakabata? Paano kaya ito nakaapekto sa paraan ng pakikipag-usap nina Miriam at Aaron sa kanilang kapatid? (Basahin ang Exodo 2:1-4, 10; 7:7.)

Bakit itinanong nina Miriam at Aaron: “Hindi ba sa pamamagitan din natin ay nagsasalita [si Jehova]?” (Clue: Basahin ang Exodo 15:20, 21; 28:1-3.)

Bakit galit na galit si Jehova kina Miriam at Aaron? (Basahin ang Bilang 12:7, 8.)

Ano ang nagustuhan mo sa naging reaksiyon ni Moises nang pintasan siya?

3 GAMITIN ANG IYONG NATUTUHAN.

Isulat ang iyong natutuhan tungkol . . .

Sa panganib ng pagkainggit.

Sa dapat na maging reaksiyon kapag pinintasan.

4 TANUNGIN ANG SARILI.

Ano ang posible kong kainggitan?

Kapag pinipintasan, paano ako makapananatiling maamo at maibigin?

Anong aral sa kuwentong ito ang pinakagusto mo, at bakit?

Mungkahi: Basahin nang malakas ang kuwentong ito kasama ang iyong mga kaibigan o kapamilya. Ipabasa sa isa ang *narration*. Ipabasa naman sa iba ang mga sinabi nina Miriam, Aaron, Moises, at Jehova.

